

Pengelola: Tiada program Sultan K'tan di Galas
Malaysiakini.com
October 29, 2010

Pengelola istana Kelantan Datuk Abdul Halim Hamad hari ini menafikan desas-desus bahawa Sultan Kelantan, Sultan Muhammad Ke-V akan menyertai kempen pilihan raya kecil DUN Galas.

Katanya, Istana setakat ini belum mengatur apa-apa program untuk Tuanku Muhammad Faris Petra, seperti yang dilaporkan dalam satu blog hari ini.

"Kita akan siasat," kata Abdul Halim yang akan mencetak kandungan tulisan di laman berkenaan dan akan merujuk perkara itu kepada Tuanku Muhammad Faris.

"Setakat ini belum atur apa-apa program lagi (di Gua Musang)" katanya lagi ketika dihubungi Malaysiakini petang ini.

Sementara itu, ketua jajahan Gua Musang Wan Mustapha Wan Ab Hamid berkata beliau tidak tahu menahu mengenai program pemberian geran tanah kepada Orang Asli, seperti dilaporkan blog berkenaan.

"Itu tidak betul. Tak ada, tak ada. Saya tak ada dengar berita seperti itu," katanya ketika dihubungi.

"Tuanku sentiasa berkecuali, dia tidak boleh terlibat dengan kempen pilihan raya," katanya yang juga pegawai pengurus bagi pilihan raya kecil DUN Galas.

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/146787>